


Contoh Lisan 1: Di Dalam Bilik Darjah

Lihat gambar ini dengan teliti. Kemudian, bicarakan apa yang kamu dapat lihat di dalamnya.

1. Situasi dalam gambar ini menunjukkan keadaan di dalam sebuah bilik darjah.
2. Saya dapat melihat seorang guru dan beberapa orang murid di dalam bilik darjah ini.
3. Guru sedang menulis sesuatu di papan hitam.
4. Di belakang guru, beberapa orang murid sedang berbual.
5. Kelihatan ada murid-murid yang sedang tekun mencatat di dalam buku masing-masing.
6. Kelihatan juga dua orang murid perempuan yang sedang berbual-bual. Mereka tidak patut berbuat demikian. Seharusnya, mereka memberi perhatian pada kerja sekolah mereka.



7. Yang menarik perhatian saya ialah kelakuan dua orang murid lelaki yang sedang gelak ketawa sambil melempar kertas ke arah seorang murid yang sedang tekun membuat kerjanya di barisan hadapan.
8. Kelakuan kedua murid ini tidak baik.
9. Ia akan mengganggu pelajar lain di dalam bilik darjah itu.
10. Ia juga menunjukkan sifat kurang sopan terhadap guru dan kawan-kawan lain.
11. Sepatutnya, mereka menumpukan perhatian kepada kerja sekolah mereka. Kelakuan mereka hanya akan menyusahkan diri mereka apabila didenda guru kelak.
12. Sekian sajalah yang dapat saya bicarakan tentang gambar ini.